

docstivier 文川网
古籍书城
入驻商家
在文川网搜索古籍书城 获取更多电子书

闽都记

〔明〕王应山纂


福州市地方志编纂委员会整理
海风出版社出版



责任编辑：刘克
林国泰



ISBN 7-80597-361-X



9 787805 973616 >

ISBN 7-80597-361-X / K·18

定价：35.00元



闽都记

〔明〕 王应山纂

福州市地方志编纂委员会整理

二〇〇一年六月

docsriver 文川网
入驻商家 古籍书城

在文川网搜索古籍书城 获取更多电子书

图书在版编目(CIP)数据

福州市旧志点校/福州市地方志编纂委员会整理
旧志点校主编/张天禄 福州:海风出版社,2001--7
ISBN 7-80597-361-X

I. 福… II. 福… III. 福州市—地方志—注释

中国版本图书馆 CIP 数据核字(2001)第 047839 号

闽 都 记

(明)王应山 纂

福州市地方志编纂委员会整理

*

海风出版社出版

(福建省福州市鼓东路 187 号 邮编 350001)

责任编辑:刘 克 林国泰

福州泰岳印刷广告有限公司印刷

开本 850×1168 毫米 1/32 10.125 印张 231 千字

2001 年 7 月第 1 版 2001 年 7 月第 1 次印刷

印数:1-1000

ISBN 7-80597-361-X/K·18

定价:35.00 元

旧志整理编辑室

主 编 张天禄

顾 问 黄启权 林貽瑞

编 辑 吴善聘 郭 琳 黄凯端 陈 雯

林 娜 林梅春 方仁杰 梁信明

陈建安

编 务 钱 展 林雪锋 卓 颖 林跃东

出版说明

闽自无诸启宇,历晋、唐,至宋、明社会经济不断发展,文化日渐昌明。经唐代李椅、常袞倡学,宋朱熹“传道”,人称“海滨邹鲁”。而文献零落,旧闻坠湮,识者憾之。晋陶夔和唐林谿的《闽中记》,宋林世程的《续记》,皆佚而无存,唯宋梁克家的《三山志》传衍,谢肇淛又认为“梁叔子之志三山,详经制而略闾閻,使人按图索之,三不得一”。至明代,始有王应山的《闽都记》,给人以振衰起废之感。

王应山(1531~?),字懋宣,号静轩,明侯官人,按察使王应时、参政王应钟之弟。郡志称其“六籍百氏,靡所不探,诗宗大历,以春秋教授乌石、武夷间,监司守今常式其庐。懋宣食贫笃行,未尝干泽”,其节概可见一斑。应山学问渊博,悉心著述。明万历九年(1581年),编成《闽大记》,万历四十年,以80高龄写成《湖山记胜》一书,后又进行实地考察,纂成《闽都记》。是书汲取《西湖游览志》、《方輿胜览》,乃至酈道元《水经》诸书的长处,先輿地形势,定方位,审源委,体例精当,文字简洁,搜罗宏富,层次清晰。正如谢肇淛所说:“懋宣迹喜钩奇,学先讨蹟,山川之幽险,仙灵之窟穴,靡不屈也;龙像金碧之宫,名世松楸之地,靡不探也;故国黍离,周道茂草,城郭是而人民非,甲第存而主昌,靡不吊也;委苍纒屨,三条九陌,省寺坛坵之遗,水石亭台之胜,与夫村落烟墟,战场成垒,靡不问也;方册之记载,词人之赋咏,与夫里闾丛谈,岁时谣谚,夷坚齐谐之志,靡不采也。”因此,本书保存了大量福州、乃至福建的社会经济轶事,历史、文化、政治、风俗习惯等方面的宝贵资料,其价值不言而喻。惟由于时代、历史的局限,书中封建思想

浓厚,对忠孝节义推崇备至,而对农民起义则深恶痛绝,这是应当予以批判的。为便于读者阅读方便,本书加以校点,用简体字印行。囿于点校者水平,错漏在所难免,敬请读者指正。

本书由林贻瑞先生校点,方仁杰、林梅春两位同志校对。

福州市地方志编纂委员会

二〇〇一年五月

点校凡例

一、凡原文的繁体字，基本上改为简体字其中，容易引起歧义的则保留繁体字，另加新式标点，以便阅读。

二、原文不轻易加以改动，以保留原貌，只对明显的错字加以改正，不另加注。

三、凡原文因避讳而改字，均予恢复，不作说明。

四、凡原文为示尊崇而作抬头处理的现均不用。

五、原文字迹不清、残缺而又无法考订的，用□表示。

《闽都记》序

道光九载,官保尚书孙公莅政之暇,以闽志间阙,与抚部韩公议设局三山,延聘文学之士任编纂。明年,疏闻于朝。独慨文献零落,旧闻坠湮。因博搜前代载籍,近者假之士大夫家,远者借抄于越中文澜阁及天一阁。于是,桑梓遗文雅记,往往颇出。而吴中梁芷邻、藩伯遂以明王应山《闽都记》来。是编,康熙末吾乡谢又绍阁学所藏抄本也。文字伪脱,不可胜举,又缺其中第七卷:余展转复假,得东郊王氏残刻本。其第七卷适具,亟令人缮录,且订正诸卷舛漏,补卷首陈价夫等城图数篇及侵板姓氏,而是编始完。久之,督府衙官卜君鹄贵付剞劂,尚书乃属寿祺序之。案:应山,字懋宣,侯官人,按察使应时、参政应钟之弟。《万历郡志》称其“六籍百氏,靡所不探,诗宗大历,以春秋教授乌石、武夷间。监习守令常式其庐。懋宣食贫笃行,未尝干泽也。”徐兴公与屠田叔书谓:“懋宣年逾八旬有二,康健如故,撰述日富,著《湖山纪胜》,后删润,改名《闽都记》,仿《西湖游览志》之例”;答林天会书谓:“吾郡太尊为先輩王静轩梓《闽都记》”。静轩者,懋宣号也。郡太尊者,仁和江铎、南昌俞政二守也。田叔者,都转运同知鄞屠峻,尝预校刊者也。今观其书,凡三十三卷,纪首郡九县、福宁州二县,以坊市为经,以山川、寺院、宅墓、古迹为纬,胪载咏题以佐之。其例盖仿于《方輿胜览》。所征宋、元、明人诗,今多遗佚,其事实亦多郡志所未详。视淳熙《三山志》之附山川于寺观,正德《漳州志》之列山川于户纪,体裁之得失相去何如也。夫志乘,莫先于輿地,輿地莫重于形势,今此书定方位,审源委,了如指掌,使学者家有一编,洵考古者讨论之资,不可废也。乾隆中,诏求天下遗书,此编未收入《四库》,度其亡已久。然曩者潘敏惠志小西湖,鲁秋塍志福州,并援及之,则海内岂更无善本流传欤。懋宣又尝偕林文恪预修《郡志》,多所裁定,别成《闽大记》五十五卷,今


残阙，仅存其半。闻漳州一家有全本，访之，终莫得其实。而是篇幸独见于世，非尚书之力，焉及此乎？它日《闽大记》倘获复出，与是编并传，如延津之剑，合浦之珠，亦未始非艺林美谈也。十一年仲冬，郡人陈寿祺。

谢肇淛《闽都记》序

闽都记，王广文懋宣所为，记闽都也。闽自无诸启宇，迄今千八百年，蛮俗不更，文明遐邕，蔚然称邹鲁矣。唐以前，文献不足徵也。梁叔子之志三山，详经制而略闾閻，使人按图索之，三不得一。盖向来陵谷，亦既不无变迁矣。懋宣迹喜钩奇，学先讨蹟。山川之幽险，仙灵之窟穴，靡不届也；龙像金碧之宫，名世松楸之地，靡不探也；故国黍离，周道茂草，城郭是而民非，甲第存而主易，靡不吊也；委巷纡廛，三条九陌，省寺坛坵之遗，水石亭台之胜，与夫村落烟墟、战场戍垒，靡不问也；方册之纪载，词人之赋咏，与夫里闾丛谈，岁时谣谚，夷坚、齐谐之志，靡不采也。其大义取材于史乘，而荒澁宵僻之区、猥琐奇轶之事，则得之耳目所睹记者十七；其体裁稍沿于《西湖志》，而都会郊甸、附庸远近，脉络连绵，易于不杂，则得法道元《水经》者十五。洵问俗之前矛，破荒之鸿笔矣。

懋宣书既成，太守江士振先生^{士振江铎字见}而赏之。藏帐中者又二十五年。其子粹夫稍复润饰，以上太守喻正方先生，乃获就梓。呜呼，奇矣！自有宇宙，便有吾闽，其中几经高贤流览叹咏，至千八百年而始有记。而其记者，与其见而赏者，本皆已拱至二十五年，而始行于世也。盖山川郡国与文章之显晦，皆有遇不遇焉。抑吾闽者也，始乎都者，常卒乎鄙。今闽之都非故矣，民失其业，官征其私。商旅断于昼攫，井邑墟于兵燹，緇宫琳宇半委荆榛，洞府君山尽成荒塚。每揽昔人杖履行吟之所，俯仰之间，强半为陈迹矣。周之东也，诗人伤之，其言曰：“彼都人士，台笠缙撮。彼君子女，稠直如发。”都会之盛衰，世与俱升降者也。夫欲移风易俗，则在良有司哉，则在贤士大夫哉！嗟夫，此懋宣记闽都意也，而亦喻正之梓记闽都意也！

（《竹间十日话》钞补）



冶山

欧冶

闽越王都


钟山

闽山


乌石山

汉冶城图

高帝五年，闽越王无诸建都。





以下六图陈价夫、徐焯考古摹定。



晋子城图

晋太康三年，太守严
高筑二百二十二步。







docsriver 文川网
入驻商家 古籍书城

在文川网搜索古籍书城 获取更多电子书

唐罗城图


大复元年，王审知筑周遭四十里，西门缺不复作。





梁夹城图


开平元年，阎王审知
筑城形如规皆砖砌。






宋外城图


开宝二年，钱昱筑东南二门，咸淳九年增筑。





明福州府城图

洪武四年，驸马主恭修砌以石折怡山、通仙、船场三门，南、北、西、井楼、水部仍梁夹城，东汤仍宋外城。



《闽都记》目录

《闽都记》序	(1)	
谢肇淛《闽都记》序	(3)	
图	(4)	
卷之一	福郡建置总叙	(1)
卷之二	城池总叙	(5)
卷之三	郡城东南隅闽县	(8)
卷之四	郡城东南隅闽县	(17)
卷之五	郡城东南隅闽县	(24)
卷之六	郡城西南隅侯官县	(34)
卷之七	郡城东北隅侯官县	(41)
卷之八	郡城东北隅侯官县	(44)
卷之九	郡城西北隅侯官县	(56)
卷之十	郡城西南隅侯官县	(63)
卷之十一	郡东闽县胜迹	(83)
卷之十二	郡东闽县	(94)
卷之十三	郡东南闽县胜迹	(109)
卷之十四	郡南闽县胜迹	(118)

卷之十五	西湖沿革	(131)
卷之十六	西湖延袤	(133)
卷之十七	湖中孤山胜迹	(137)
卷之十八	城西湖滨胜迹	(139)
卷之十九	湖西侯官胜迹	(145)
卷之二十	湖南侯官胜迹	(156)
卷之二十一	郡西侯官胜迹	(165)
卷之二十二	郡西北侯官胜迹	(168)
卷之二十三	湖西北侯官胜迹	(176)
卷之二十四	湖北侯官胜迹	(180)
卷之二十五	郡东北侯官胜迹	(192)
卷之二十六	郡东长乐胜迹	(199)
卷之二十七	郡东南福清胜迹	(215)
卷之二十八	郡西南永福胜迹	(236)
卷之二十九	郡西闽清胜迹	(249)
卷之三十	郡西北古田胜迹	(255)
卷之三十一	郡东北连江胜迹	(265)
卷之三十二	郡北罗源胜迹	(276)
卷之三十三	郡西北福宁胜迹	(284)

闽都记卷之一

郡人 王应山 纂辑

福郡建置总叙

闽，百粤之疆也。黄虞以前，其详不可得闻矣。《周礼》：“七闽荒服，掌于职方。”战国时，越王勾践七世孙无疆与楚战不利，徙族居闽，遂为君长。秦始皇二十六年，置闽中郡守丞尉监领之。二世时，闽粤王无诸及摇者姓驸氏，禹之苗裔也，以兵属番君吴芮，从诸侯入关，有成劳。项羽主命弗王，闽粤又佐汉翦楚。汉高帝五年，封无诸为闽粤王，都冶。今将军山孝惠三年，举高帝时功，立摇为东海王，都东瓠。今温州府后闽粤、东瓠治兵相攻。东瓠告急于汉，武帝遣庄助发兵浮海救东瓠，闽粤引去。建元六年，闽粤又击南粤，汉遣王恢、韩安国等大发兵讨之。闽粤王郢弟余善杀郢以降汉，封繇王丑为王；余善自王，汉乃封余善为东粤王，与繇王并处。元鼎五年，汉遣东粤王与繇王夹攻南粤，不从，遂叛汉，刻帝玺自立，号驸力为吞汉将军。汉遣韩说、杨仆、王温舒将兵讨之。繇王居股复杀余善以降。汉封居股为东成万户侯，徙民江淮间，遂虚闽越地。孝昭元始二年，闽越遗民自立冶县，属会稽南部都尉。光武建武二年，改冶县为侯官都尉，仍隶会稽。献帝建安八年，王朗来奔，侯官长商升助朗起兵。孙策永宁长贺齐领南部都尉事，进兵建安，讨平之，立都尉府，领谪徒造船于侯官。吴永安三年，以建安为郡，领九县，侯官其首也。晋太康三年，升侯官县为晋安郡，以严高为刺史，徙居今城，领安丰、新罗、广平、

同安、侯官、罗江、晋安、温麻八县。时上宇偏安，中原避地从晋安王入闽，多衣冠之族，八姓其著也。刘宋泰始四年，改为晋平郡，领县五，寻复故。梁天监中，析晋安县为南安郡。绍泰二年，封郡人陈宝应为侯官县侯，领闽州刺史。陈天嘉二年，陈宝应据州以叛，兵溃伏诛，改闽州为丰州。隋改丰州为泉州。大业初，复为闽州。寻改为建安郡，治闽县，领闽、建安、南安、龙溪四县。唐高祖武德初，改为建州。六年，为泉州，领闽、侯官、长乐、连江、长溪五县。太宗贞观十九年，置泉州府兵。嗣圣十六年，领县六，增置南安。景云二年，改为闽州。开元十三年，改为福州。二十七年，领县七，增置尤溪。天宝元年，改为长乐郡。大历贞元间，李椅、常袞后先观察，兴学劝士，文儒汇征。永泰中，领县九，析侯官、尤溪，增置永泰。乾符五年，黄巢再陷福州，杀戮甚惨。光州固始人王潮、偕弟审知，从光州刺史王绪来闽。绪暴虐见杀，众推潮与审知为帅。光启二年，福建观察使陈岩表潮为泉州刺史。景福九年，岩卒，其婿范晖自称留后，据福州。潮遣审知攻晖，杀之。唐以潮代岩，审知为副。审知隆准、方口，军中号白马三郎。乾宁四年，潮卒，唐改福州为威武军，授审知为节度使，封琅琊王，先是有“潮头出，岩头没，潮头没，矢口出”之谣，至是屡验。五代梁加审知中书令，进封闽王，升福州为大都督府，领县十。审知虽起列校，俭约礼士，建四门学校，拔闽士秀者。后唐同光三年卒，年六十四，谥忠懿。子延翰立，建国自王。是年十二月，为弟延钧所杀，代其位，更名璘。后唐拜节度，加太师、中书令，封闽王。长兴二年，璘惑道士陈守元，遂称帝，受册宝皇，改元龙启；复更永和，立五庙、置百官，以福州为长乐府，领县十三，立父婢陈金凤为后，大肆凶淫，为子继鹏所弑。鹏代其位，更名昶，改元通政，立父婢春燕为后，愈昏乱。连重遇、朱文进迎审知季子延羲，袭昶杀之。延羲代兴，更名曦，更元永隆，发故相王倓塚，戮其尸。又嫁女，笞朝士不贺者。六年三月，重遇弑曦，称臣于文进。王氏子弟在福

州者无少长皆杀之,时石晋开运元年也。先是,建州刺史王延政以建州为国,称殷元,号天德。泉州军将留从效、陈洪进诛文进所署泉、汀二州刺史,降于延政。重遇亦杀文进,传首建州、福州,裨将林仁翰随杀重遇,迎延政都福州。延政以子继昌守福州,为东都,自居建安。南唐李景急攻福州,州将李仁达擒继昌杀之。立雪峰僧卓岩明为帝,己又杀岩明自立,送款于景。景以仁达为威武军节度使,更名宏义。景兵攻破建州,迁延政之族于金陵。后汉乾祐元年,南唐攻福州,仁达求救于吴越,钱氏败南唐兵,吴越遂取福州,置守臣,领县十一。宋祖初,钱氏纳土,仍为福州,领县十二。仁宗庆历中,蔡襄为守,惠政宏多。闽人有陈襄、陈烈、周希孟、郑穆者,倡道海滨,时匹邹鲁。其后,延平杨时,传洛学于闽,朱熹集其大成,闽人彬彬,多正学之士矣。靖康元年八月,福州军乱,杀其知州柳廷俊。建炎初,以州守兼安抚使,总一路文武事。淳祐中,领县十三,析长溪,增置福安。景炎元年,判福州益王昀即帝位,升福州为大都督府,更名福安。二年,元大将董文炳率兵入福州。元至正十五年,改为福州路,隶福建行中书省,领录事司一,州二:曰福清、曰福宁;县十一:曰闽、曰侯官、曰怀安、曰古田、曰闽清、曰长乐、曰连江、曰永福、曰罗源、曰福安、曰宁德。二十四年,福建行省参政陈有定缮福州城,守之。二十七年十二月,明征南大将军汤和由海道取福州。洪武初,改福州路为府,隶福建等处承宣布政使司,罢录事司,领县十三;福清、福宁仍为县。正统十三年,沙县邓茂七反,山寇繁兴,城守戒严,始以侍郎薛希琏巡抚福建,提督军务。十四年二月,贼平,以刑部尚书金濂、平阳侯陈懋留守福建。余寇底定,留守召还,亦罢巡抚。成化九年,升福宁县为州,以福安、宁德二县属之,直隶布政司,福州府所领十县。正德十二年五月,雷震东城,福州三卫军士作乱,始议招安。八月复乱,讨平之。嘉靖九年,正月,福州狱变,贼戕大吏二人,斩关,趋连江,渡海而遁。三月,都御史胡璉以勘事至,遂留巡

docsriver 文川网
入驻商家 古籍书城

在文川网搜索古籍书城 获取更多电子书

抚。未几，召还。二十八年，获夷船于漳州，始设巡海都御史。自是，漳民勾引倭奴，寇海滨诸县，以巡海都御史提督军务，迄无宁岁。三十六年三月，倭迫郡城，频岁去来，城外居民焚戮甚惨；调兵所过，残掠殃民。三十九年，巡抚刘焘率兵追贼。焘善骑射，有威名，贼遁去。四十一年元旦，地震。三月，福州三卫军乱。八月，倭寇福清，参将戚继光大破之。十月，三卫军复乱。四十二年，以谭纶为巡抚都御史都督，戚继光充总兵，擒斩军士首乱者，倭寇悉平。万历八年，省怀安县入侯官，今领县九：曰闽、曰侯官、曰古田、曰闽清、曰长乐、曰连江、曰罗源、曰永福、曰福清。郡名晋安、晋长乐、唐三山、福唐、合沙、东冶。其疆里，东际海，西抵延平府南平县界，北抵福宁州界，南抵兴化府莆田县界。广四百四十里，袤四百四十五里。其分野斗牛，或云牛女之间。其俗俭嗇、喜讼、好巫，君子外鲁内文，小民谨事畏法，耕稼鱼盐为生，道学几于洙泗。迩来崇侈，婚嫁竞丰，饮食衣服糜费滋多，实士大夫家倡之。其形胜：环山、沃野，涓江、吻海，为东南大都会云。

闽都记卷之二

郡人 王应山 纂辑

城池总叙

闽自无诸开国，都冶为城。今布政司东北所从来久远。晋太康三年，置郡树牧，狭视冶城。太守严高询郭璞，乃经始于越王山之南。越山南小阜，即今布政司。其城南虎节门，外为还珠门，东起康泰门，西至宜兴门。又有东安、清泰、丰乐诸门。是曰子城。虎节有河缭绕，皆城濠。唐宋而后，渐次增拓。唐天复元年，王审知于子城外环筑罗城。北永安门，南利涉门，东海晏门，西丰乐门。又有通津、清泰、延远诸门。梁初，又筑南北夹城，南自宁越门东西一带，北自严胜门、遗爱门至迎仙门一带，又有美化、水部、井楼诸门。宋初，钱氏纳土，诏悉堕之。后增筑外城，两河、三山，悉入城内。国朝因宋元之旧，初创楼榭，后砌敌台，覆以重屋，门列七城。东西南北，又水部、井楼、汤门凡七。隐然金汤之固。三峰峙于域中，乌石、九仙、越王二绝标于户外，左鼓右旗。闽南二绝。甘果方几、方山几案于南，唐赐名甘果山莲花现瑞。北莲花峰为会城斧痕。襟江带湖，东南并海。二潮吞吐，百河灌溢，山川灵秀。所都耶，逢兵不乱，逢饥不荒，沙合南台路通，河口海滨邹鲁。乃自古记之。宋许敦仁《三山阁》诗：“蓬莱方丈与瀛洲，东引长江欲尽头。几处壇场浑得道，万家楼阁半封侯。名园荔子尝三熟，负郭湖田插两收。七百年来遗讖事，钓台沙合瑞烟浮。”石赧《登郡城》：“衰年览胜倦跻攀，此日凭高一解颜。管领江山来牖下，相将楼阁出人间。真君炼药仙都近，释子焚香佛界间。人世几回容易得，放歌须尽夕阳还。”唐福建转运判官，熙宁间任。谢泌